

東方雜誌

第十五卷
第七至九号

(1918年7月—1918年9月)

上海書店出版社

東方雜誌

第十五卷
第七至九号

(1918年7月—1918年9月)

上海書店出版社

東方雜誌

第十五卷
第七號

●中國之新生命…………… 僖父(一)

談屑…………… 懷葛民(五)

教育贅言 種麥者言

●最近美國政治上之進化…………… 君實(七)

●中國邊疆之危險…………… 君實(一三)

●山東之苦力…………… 高勞(二)

●大戰爭與社會問題…………… 君實(二六)

●羅馬滅亡之經濟考察…………… 高勞(三〇)

●捕鯨談…………… 羅羅(四〇)

●南斯拉夫民族之獨立運動…………… 羅羅(四四)

●中華民族體質之研究…………… 羅羅(五一)

●記芬蘭共和國…………… 羅羅(五六)

●日本之人口問題…………… 羅羅(五九)

●延長石油事業參觀記…………… 梁宗鼎(六三)

●天竺梵訊…………… 李繼煌(六九)

●近世人類學…………… 羅羅(七五)

●空中淡氣之利用…………… 君實(八五)

●活動影戲之佈景術…………… 羅羅(九三)

●論工程師養成法…………… 賴福萊(九六)

●蝗之利用…………… 羅羅(一〇六)

誌目次

民國七年
七月

●山西肺炎疫之蔓延及防禦法

史旦萊 (一〇八)

●避疫面具之製法及用法

俞鳳賓 (一一)

●歐戰中最新智識(續)

薩君陸 (一二三)

●文苑

(一二五)

●桃大王因果錄(續)

陳林 (一二二)

●重臣傾國記(續)

趙尊嶽 (一二五)

●小說攷證卷八(續)

蔣瑞藻 (一二四)

●五十故事(續)

東吳舊孫 (一二八)

●內外時報

(一二九)

中國法系論 人造絹絲之發明及其製造法 農民須知自然界之關係論 英法海峽隧道與現時之戰爭 夫婦稱謂私議 兒童儲金 竹之用途及栽培法 學校考試之研究 俄國富源 地球與火星之交通 河朔近年物價騰踊之由來及其影響 油煎食物與消化不良 無線電駕駛之潛水艇 論中東鐵路之地位

●法令

(一二三)

海軍刑事條例 海軍審判條例 刑事訴訟律草案執行編 刑事訴訟審限規則

職官任免令

●中國大事記

(一九五)

●職員表

(二〇一)

插畫

廣西古化縣石刻二幅

美國紅十字會在滬募捐之游行四幅

比利時

王及王后

駕救傷車婦女整理機件圖


英國女子投入海軍軍役圖

西班牙王之攝影

西班牙王之子女


(一其) 刻石(州寧永舊)縣化古西廣

個百約字壽體各有內字壽書篆涓史史刺宋




(贈拓勤賢君蒙事知縣化古)

廣西古化縣石刻（其二） 趙孟頫書




（蒙 君 啓 勳 拓 贈）


美 國 紅 十 字 會 在 滬 募 捐 之 游 行



(用 摩 托 車 裝 成 之 坦 克 大 變)



(駕 馭 四 輪 扮 着 護 婦 樂 師 探 摩 托 車 游 行)



(飾 綵 之 有 軌 電 車)



車下站車之近附敵前國意在后王與王時利比

狀之件機理整底車伏女婦之車傷救駛駕



狀之役軍軍海家皇入投子女國英






影攝之內室書在三十第瑣芬爾亞王牙班西



狀之戲游內園在子公女其與子幼之王牙班西



第十五卷

第七號

中國之新生命

詹父

今歲六月梅雨兼旬。庭前積潦爲患。所植瓜苗。當生長正盛之時。枝葉忽就枯萎。以主根腐敗故也。然其時莖旁近土之處。支根怒茁。若逆知其主根之不足恃。故急急發生支根以代之者。主根之腐敗愈甚。支根之發生亦愈速。未幾主根全腐。支根遂代其主根。營吸收作用。全株之生活。賴以維持。枯萎者乃漸復其原狀。此爲生物之代償機能。能其所以適應外圍防禦害患者。全賴此。

機能之存在。物固如此。國亦有然。今日吾中國之生命。果能維持與否。誠非吾人所能豫言。其或爲印度朝鮮之續歟。則天之所廢。孰能興之。此蓋無可奈何之境遇。吾人雖不能不用以自警。要不忍遽作是想者。吾之論文。固以中國之生存爲前提。惟中國而果生存。則其新生命將從何處獲得乎。此卽吾人研究之問題也。

欲知中國之新生命。在於何處。統括之不出兩途。一發生新勢力。以排除舊勢力。二調整舊勢力。以形成新勢力。世界諸國。如法如美。以前者得新生命。如日如德。以後者得新生命也。夫新勢力之發生。甚難。必經數十年之積貯醞釀。而後成。舊勢力之排除。更非易。必經數十百次之戰鬪殺戮。而後定。故求便利。計効益。自以調整舊勢力。形成新勢力。爲最宜。吾國自戊戌以迄。今茲皆向此方面進行。變法之倡議。立憲之要求。其目的固在於此。卽辛亥之革命。亦無非利用舊勢力之甲部。以排除舊勢力之乙部。冀達其調整之目的而已。夫使舊勢力。而果可以調整者。則便利誠無逾于此。無如幾經試驗。令吾人對於此方面之希望。益益斷絕。中國而猶有新生生命也。殆不能不易其途以求之矣。

今之論國事者。以爲舊勢力既無可調整。而又不易排除。則將有及汝偕亡之痛。予殊以爲不然。蓋今日舊勢力排除之速。實有出於吾人意料之外者。舊勢力之代

表。一爲武人。二爲官僚。而武人乃互相屠戮。官僚乃互相傾陷。皆竭力自行排除。若深恐新勢力之不易發生。特爲廓清其地位。驅除其患難。就現狀而論。所謂新勢力者。曾不知其在於何方面。絕無端倪之可指。然觀舊勢力排除之迅速。可知新勢力之發生。已不在遠。蓋二者之相因。若寒暑之倚伏。若晝夜之推遷。寒去則溫夜盡。則旦。此固事理之無可疑者也。

不有羅馬末造之腐敗。則基督教不能遍佈於歐洲。不有十四五世紀之黑暗。則文藝與科學不能有近世之隆盛。故舊勢力。至於無可調整。卽爲舊勢力垂盡之時。亦卽爲新勢力代興之券。而當舊勢力將盡未盡之際。新勢力往往毫不顯露。社會羣衆莫得而窺測之。故秦始皇疑亡秦必胡。而不知代之者乃爲泗上一亭長。前清乾嘉以後。滿人歌舞昇平。亦決不料其勢力將由湘陰之一儒臣（曾國藩）一學究（羅澤南）而潛移於漢人之手。故新舊遞嬗之間。其由兩方對抗競爭。一方漸

絀。一方漸伸。而後取而代之者。歷史上雖不無其例。而其多數則常由舊者之多行不義。至於自斃。新者乃得有自然之機會起而承乏其間。法蘭西共和之告成。固非革命黨之力有以致此。乃兩世拿破崙自取敗亡。以後專制之力已盡。遂不得不實行共和政治耳。杜牧有言「滅六國者六國也。非秦也。族秦者秦也。非天下也。」吾亦仿其意而言曰。滅舊勢力者舊勢力也。非新勢力也。若吾國今日即以舊勢力滅舊勢力之時也。

今日之彼此相爭。且此復與此爭。彼亦與彼爭。紛擾不可究詰。綜言之。則此也。彼也。皆占舊勢力之一部分。以排除舊勢力之他部分。是非勝負。吾不得而知。吾之所得而知者。則自此以往。舊勢力必自滅。吾人平日固希望此勢力之善自保存。以爲中國福。如其不能爲福。而至於爲禍。則吾人亦惟有求其速速自滅而已。其相爭愈甚。其自滅亦愈速。其所以禍中國者。或即其所以福中國也。夫舊勢力之在中國。根深蒂固。自同治中興以

後。遞嬗至今。已六七十年之久。設非自滅。孰能滅之。果中國之新生命不能不求之於舊勢力以外者。則舊勢力之自滅。正所以促進中國之生機。吾人不能不爲未來之新中國額手以稱慶焉。

吾人今日不必更患舊勢力排除之難。且甚慮舊勢力排除之太速。蓋新勢力之發生。積之厚。則其基不固。蓄之不久。則其效不宏也。此新勢力將從何處發生。在現時已有萌孽。與否雖智巧者不得而知。其可得而知者。則此新勢力決非與舊勢力爲對抗競爭之形式。而與戊戌時代之倡言變法者。宣統年間之要求立憲者。及辛亥以來之奔走革命者。取迥必殊。蓋從前之種種運動。其初亦欲造成一新勢力。以與舊勢力對抗。其結果則依附舊勢力。而欲利用之。卒至舊勢力愈熾。新勢力毫無所成就者。其誤點所在。一不於社會生活上求勢力之根據地。而但欲於政治上行使其勢力。二不於個人修養上求勢力發生之根本。而但以權謀術數爲

擴張勢力之具。是二者有一於此。則其勢力必不能成。故新勢力之發生。必不取逕於此。此非吾人之好爲預言。特以定理所在。不能違反耳。世未有己不立而可以立人者。故於社會生活上。無根據者。不能有勢力。亦未有己不正而可以正人者。故於個人修養上。無工候者。亦不能有勢力。吾人之所謂定理如斯而已。

然則吾國新勢力之所在。吾人亦可以約略推測之。卽其人決非生活於政治上。欲分得舊勢力之一部而占據之者。惟儲備其知識能力。從事於社會事業。以謀自力的生活。且其人亦決不欲得有勢力。以排除他人。惟斤斤焉守其個人的地位。保其個人的名譽。與信用。標準於舊道德。斟酌於新道德。以謀個人之自治。若此之人。自戊戌以來。幾如鳳毛麟角。不可一覩。而最近數年中。乃漸增其數。蓋青年有爲之士。懲於戊戌以來諸先進之種種失敗。始有所覺悟。於是去其浮氣。抑其躁心。乃從社會生活上。與個人修養上。着手。將來此等青年。

益益遍佈。表面上雖無若何勢力可言。而當舊勢力頽然傾倒之時。其勢力自然顯露。各方面之勢力。自然以此勢力爲中心。而向之集合。孟子所謂若水就下。若獸走壙。此之謂矣。現今文明諸國。莫不以中等階級爲勢力之中心。我國將來亦不能出此例外。此則吾人之所深信者也。

今日中國之生命。正在危迫萬分之際。武人官僚。倚仗舊勢力。以斲伐國家生命。惟恐其勿盡。致吾人不得不將新生命獲得之願望。希冀於新勢力之發生。而又以舊勢力之速速自滅。爲新勢力將興之兆。此種樂觀思想。原近於滑稽。吾人非不知循此以往。將有外來之勢力。加於吾國之上。以絕吾國之生命。不能更有機會。容待吾國發生新勢力。以營代償作用。但當此尙未屬織下窆之時。不容吾人不作生存之想。而處方求藥。舍此劑以外。又別無根本治療之法。則吾人之樂觀思想。謂爲滑稽。無寧視爲正當。質之國人。以爲然耶否耶。

談

屑

懷葛民

教育贅言

教育者二國之命脈。此士大夫之恆言也。夫脈之爲物。屬於循環器。循環器者。由心臟動靜脈毛細管各部。合組而成。倘有一部份。失其循環之作用。則禍延於全體。甚且危及生命。滋足懼也。首都者。占心臟之位置。一省一縣。略如動靜脈。城鎮鄉則其毛細管也。待教之民。分布於全國。殆如血液之貫注於全體。營養之術。不宜有所偏重。此不待智者而後知也。北京爲首都所在。自大學專門。以至中小學校。林立櫛比。稱盛一時。其最負盛名之校。規模弘大。糜款無藝。所惜教育之效果。恆與浪擲之金錢。不成比例。其他多數學校。則苦於經費支絀。奄奄無生氣。心房之血。衰旺不常。亦殆將病也。至地方教育行政。長江流域之較優者。必曰江浙江浙。黃河流域之較優者。必曰燕齊燕齊。教育家軒渠而談。欣然色

喜。若幸教育之可奏成功者。余謂蘇浙燕齊。特大動脈之一部分耳。若血液凝聚。失循環之平均力。且恐積而成瘤。矧蘇浙燕齊。比較上固有優長之點。若舍省垣而觀於各縣。或舍縣城而觀於各鄉。其教育之毫無進步。亦不可掩之事實。此又病中於毛細管之說也。禱味之見。以爲教育疲敝之省。中央政府應特別注意。并盡力以輔翼之。則一國之教育力。可期貫注。教育疲敝之縣。省行政長官。應特別注意。并盡力以輔翼之。則一省之教育力。可期貫注。教育疲敝之城鎮鄉。縣行政長官。應特別注意。并盡力以輔翼之。則一縣之教育力。可期貫注。如是則血脈流通。循環不息。普及之效。拭目可期。謂非教育之大幸哉。莊子曰。善養生者。若牧羊然。視其後者而鞭之。吾於教育亦云。

種麥者言

客歲春夏之際。天時亢旱。赤地千里。入秋則霪雨爲災。漂沒田廬。人畜無算。蚩蚩者氓。恃以養其生命之田園。變爲魚蝦之窟宅。亦云慘矣。今春雨暘時若。京師附近各縣。麥秀雙歧。蓋因土地生產之力。停歇一年。復經河流之衝盪。積成沃壤。故呈豐穰之象。五月十日。適彼東郊。以觀農事。至則綠雲匝地。一碧如油。白叟黃童。怡然而樂。越阡度陌。驟見十畝之間。麥田狼藉。一老人偕其家衆。垂首而泣。余驚問之。老人曰。嘻。余不得生矣。余罹水旱之災。財產蕩盡。耐寒忍飢。以至今日。此一度之收穫。尙不足償所失。今蹂躪若此。將何以生。余詢其故。則曰。此麥田。吾所有。率妻子躬耕。自食其力久矣。左鄰某充牧畜公司董事。因改訂章程。爲鄉里所不喜。右鄰某以牧牛爲業。因左鄰之所爲不便於己。爰糾合同類。力與之爭。並相約決鬥。而以吾老人之田。充決鬥場。余驚恐哀免。右鄰怒曰。咄。老特。何不知公益耶。彼多欲者。方

肆其違法行爲。以侵奪人權。吾儕爲大義與之鬥。區區麥田。乃不肯犧牲乎。奈老人不解其語。越日。兩家各率徒黨數十人。奮勇決鬥。並乘機割吾之麥。負擔以去。吾之田遂若彼濯濯矣。傷哉。余謂之曰。汝鄰人之違法信乎。老人曰。余何知。田舍翁多收十斛麥。即終歲溫飽。違法與否。無與吾老人事也。曰。決鬥之事。左鄰勝乎。右鄰勝乎。老人曰。吾之麥田蹂躪至此。生計絕矣。左鄰勝。吾不得生。右鄰勝。吾亦不得生也。奚問焉。曰。汝業種田。亦需耕牛。牧畜公司之章程。汝奈何不過問乎。老人曰。吾鄉始立牧畜公司時。所畜之牛。常出而蹊人之田。是章程亦宜改訂也。況比年饑饉。吾之耕牛。已羸瘠以死矣。旣而曰。以吾視先生。亦不知稼穡艱難者。吾儕待盡而已。何喋喋爲。吾無以應。乃循舊路而歸。遇友於塗。曰。郊外之遊樂乎。盍偕我赴閱報社。往探川湘戰訊也。



最近美國政治上之

進化

譯日本『新
公論』雜誌

君實



大總統制度之利害

英國政治名家全謨布拉斯氏。嘗於其名著『亞美利加平民政治論』一書。論美國種種之政治組織。其中揭大總統選舉制度之利害。頗中肯綮。茲摘錄其大凡於左。

(一)美國大總統。爲國內第一之位置。全國民注目之焦點。故凡有志於政界者。莫不皆抱爲白宮主人之希望。此輩大政治家。以熱中於大總統之故。不得不枉己徇衆。以求其所欲得。彼亨利克賚。但尼爾。威布司泰等。皆不失爲大偉人。特以懼獲戾於衆望。遂不敢直抒己見。發爲蹇諤之論。夫所貴乎大政治家者。爲其有貧賤

不移富貴不淫威武不屈之勇氣。出其所懷抱以福國而利民也。苟有所沾戀顧忌。又安能伸其志而盡其才乎。其弊一也。

(二)大總統選舉。每四年舉行一次。當總選舉前一載。自政府之官吏以至農工商賈。皆皇皇然如有大故。幾有舉國不安之概。雖其中不無使國民受政治教育之利益。然所得究不足以償其所失。其弊二也。

(三)易一大總統。必更迭內閣。其他官吏百執事。莫不變置。故國是國計。悉隨大總統之改選而根本變更。前四年之施設。後四年幾悉數推翻。大違始終一貫之義。其弊三也。